

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијси савјет*

**Rješenje**  
**po Prijavi koncentracije privrednog subjekta Croatia Osiguranje d.d., Republika Hrvatska**

**Sarajevo**  
**august, 2018. godine**



Broj: UP-06-26-1-20-8/18  
Sarajevo, 08.08.2018. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (1) tačka d), a u vezi sa članovima 12., 14., 16. i 18. Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09), rješavajući po Prijavi koncentracije privrednog subjekta CROATIA OSIGURANJE d.d., ul. Vatroslava Jagića 33, 10 000 Zagreb, Republika Hrvatska, podnesenoj putem advokata Nihada Sijerčića, Fra Anđela Zvizdovića 1, BC UNITIC, Tower B/II, 71 000 Sarajevo, zaprimljenoj dana 10.07.2018. godine, pod brojem: UP-06-26-1-20-1/18, na 34. (tridesetčetvrtj) sjednici održanoj dana 08.08.2018. godine, donijelo je

### **R J E Š E N J E**

1. Ocjenjuje se dopuštenom koncentracija na tržištu usluga tehničkih pregleda vozila u Federaciji Bosne i Hercegovine, koja nastaje stjecanjem kontrole privrednog subjekta CROATIA OSIGURANJE d.d., ul. Vatroslava Jagića 33, 10 000 Zagreb, Republika Hrvatska nad privrednim subjektom TESTING CENTAR d.o.o., ul. Bišće polje bb, 88 000 Mostar, Bosna i Hercegovina, kupovinom (..)\*\*<sup>1</sup>% udjela.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

### **Образложење**

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 10.07.2018. godine, pod brojem: UP-06-26-1-20-1/18, Prijavu koncentracije (u daljnjem tekstu: Prijava) privrednog subjekta CROATIA OSIGURANJE d.d., ul. Vatroslava Jagića 33, 10 000 Zagreb, Republika Hrvatska (u daljem tekstu: Podnosilac prijave ili Croatia Osiguranje), podnesenu po advokatu Nihadu Sijerčiću, Fra Anđela Zvizdovića 1, BC UNITIC, Tower B/II, 71000 Sarajevo i privrednog subjekta TESTING CENTAR d.o.o., ul. Bišće polje bb, 88 000 Mostar, Bosna i Hercegovina (u daljem tekstu: Testing Centar ili Ciljno društvo).

Konkurencijsko vijeće je, u skladu sa članom 16. stav (4) Zakona o konkurenciji (u daljem tekstu: Zakon), objavilo u dnevnim novinama Obavještenje o dostavljenoj Prijavi (akt broj: UP-06-26-1-20-3/18), u kojem su objavljeni podaci o koncentraciji, te su pozvane sve zainteresovane strane na dostavljanje pisanih komentara u vezi provođenja iste, što se u predviđenom roku nije dogodilo.

Konkurencijsko vijeće je u smislu člana 30. stav (3) Zakona, izdalo Potvrdu o kompletnoj i urednoj prijavi broj: UP-06-26-1-20-5/18 dana 30.07.2018. godine.

Podnosilac prijave je naveo, u smislu člana 30. stav (2) Zakona, da je zahtjev za ocjenu koncentracije podnio, osim u Bosni i Hercegovini, nadležnim organima za zaštitu konkurencije u Republici Srbiji i Republici Makedoniji, te da je odobrena koncentracija od strane Komisije za zaštitu konkurencije Republike Srbije.

---

<sup>1</sup> (..)\*\*- Podaci predstavljaju poslovnu tajnu, u smislu člana 38. Zakona o konkurenciji

Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

Prijava je podnesena u smislu člana 16. stav (1) Zakona.

## **1. Učesnici koncentracije**

Učesnici predmetne koncentracije su privredni subjekat CROATIA OSIGURANJE d.d., ul. Vatroslava Jagića 33, 10 000 Zagreb, Republika Hrvatska i privredni subjekat TESTING CENTAR d.o.o., ul. Bišće polje bb, 88 000 Mostar, Bosna i Hercegovina.

### ***1.1. Privredni subjekat CROATIA OSIGURANJE d.d., Podnosilac prijave***

Privredni subjekat CROATIA OSIGURANJE d.d., ul. Vatroslava Jagića 33, 10 000 Zagreb je registrovan u sudskom registru Trgovačkog suda u Zagrebu pod MBS: 080051022, sa osnovnim kapitalom od 159.115.559,85 KM (601.575.800,00 kn).

Privredni subjekat Croatia Osiguranje je u većinskom vlasništvu privrednog subjekta Adris Grupa d.d., ul. Obala Vladimira Nazora 1, 52 210 Rovinj, Republika Hrvatska.

Pretežne registrovane djelatnosti privrednog subjekta Croatia Osiguranje su pružanje usluga životnog i neživotnog osiguranja.

Privredni subjekat Croatia Osiguranje ostvaruje učešće u vlasničkoj strukturi kapitala sljedećih privrednih subjekata (povezana privredna društva):

- Croatia osiguranje d.d. Mostar, ul. Kardinala Stepinca bb,
- CROTEHNA d.o.o., ul. Nikole Kordića bb, Ljubuški,
- HOTEL HUM d.o.o. za ugostiteljstvo i turizam, ul. Nikole Kordića bb, Ljubuški,
- CROAUTO d.o.o. Mostar, ul. Kneza Domagoja 11,
- Croatia remont d.d. Čapljina, ul. Tasovčići bb i
- PONTE d.o.o. Mostar, ul. Biskupa Čule bb.

### ***1.1.1. Privredni subjekat TESTING CENTAR d.o.o., Ciljno društvo***

Privredni subjekat TESTING CENTAR d.o.o., ul. Bišće polje bb, 88 000 Mostar je registrovan u Općinskom sudu u Mostaru, pod matičnim brojem: 58-01-0075-11, sa upisanim osnovnim kapitalom u iznosu od 2.000,00 KM, osnovan od pravne osobe DOTER d.o.o. ul. Visoka Glavica 3, 88 220 Široki Brijeg, Bosna i Hercegovina (u daljem tekstu: DOTER), sa 100% vlasništvom u osnovnom kapitalu.

Pretežne registrovane djelatnosti privrednog subjekta su pružanje usluga „zaštite ljudi, okoliša i imovine od štetnih učinaka tehnologije“ u oblasti tehnologije vozila, zatim u oblasti cestovnog prijevoza, te bavljenje poslovima tehničkog ispitivanja i analize u automobilskoj industriji.

Privredni subjekat Testing Centar na dan podnošenja Prijave koncentracije, sa povezanim društvima ima (..)\*\* stanica za vršenje tehničkog pregleda u Federaciji Bosne i Hercegovine, a do okončanja koncentracije trebao bi steći dodatne dozvole i imati ukupno (..)\*\* stanica za tehničke preglede u Federaciji Bosne i Hercegovine.

Privredni subjekat Testing Centar ostvaruje učešće u vlasničkoj strukturi kapitala sljedećih privrednih subjekata (povezana privredna društva):

- AUTOCENTAR d.o.o. Široki Brijeg, ul. Fra Didaka Buntića broj 27, Široki Brijeg,
- BH AUTO d.o.o. Goražde, ul. Muhidina Mašića Munje broj 10, Goražde,
- APRO MEHANIZACIJA d.o.o. Mostar, ul. Bišće polje bb, Mostar,

- KAMION CENTAR d.o.o. Bihać, ul. Put Armije BiH bb, Bihać i
- AGROMAN d.o.o. Tomislavgrad-u stečaju (kontrolu vrši stečajni upravnik).

Ciljno društvo ima 4.1548 % dionica u vlasničkoj strukturi privrednog subjekta ALTRA d.d. Široki Brijeg, ul. Fra Didaka Buntića broj 77, Široki Brijeg, koje će biti prenesene na treće lice prije finalizacije koncentracije.

## 2. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni godišnji prihodi privrednih subjekata učesnika predmetne koncentracije na dan 31.12.2017. godine:

Tabela 1.

KM	Adris Grupa	Testing Centar
Svijet	(..)**	-
Bosna i Hercegovina	(..)***	(..)**

Izvor: podaci iz Prijave, \*\*\*obuhvata prihod Croatia Osiguranja i povezanih društava.

Ukupan prihod svih učesnika ostvaren na svjetskom tržištu iznosi (..)\*\* KM, dok su na teritoriji Bosne i Hercegovine ostvarili pojedinačne prihode, privredni subjekt Croatia Osiguranje (..)\*\* KM i privredni subjekt Testing Centar (..)\*\* KM.

Slijedom navedenog učesnici koncentracije ispunjavaju uslov ukupnog godišnjeg prihoda, iz člana 14. stav (1) tačaka a) i b) Zakona, te su obavezni podnijeti prijavu koncentracije.

Prema navedenim podacima (Tabela 1.) privredni subjekti učesnici koncentracije ispunjavaju uslove ukupnog godišnjeg prihoda, iz člana 14. stav (1) Zakona.

## 3. Pravni osnov i pravni oblik koncentracije

Pravni osnov koncentracije je Ugovor o kupoprodaji udjela zaključen dana 28.06.2018. godine između privrednog subjekta DOTER (prodavac) i privrednog subjekta Croatia Osiguranje (kupac), kojim će privredni subjekt Croatia Osiguranje steći (..)\*\*% udjela u vlasničkoj strukturi privrednog subjekta Testing Centar.

Nakon provođenja koncentracije, Podnosilac prijave će imati (..)\*\*% udjela u osnovnom kapitalu privrednog subjekta Testing Centar, samim tim i isključivu kontrolu nad istim i povezanim društvima pomenutog.

U skladu sa naprijed navedenim, a na osnovu člana 12. stav (1) tačka b) pod 1. Zakona, pravni oblik koncentracije je sticanje kontrole privrednog subjekta Croatia Osiguranje nad drugim privrednim subjektom Testing Centar, kupovinom većine udjela u osnovnom kapitalu.

## 4. Pravni okvir ocjene koncentracije

Konkurencijsko vijeće je u postupku ocjene koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata.

## 5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije, relevantno tržište proizvoda i/ili usluga u konkretnom slučaju je tržište usluga tehničkih pregleda vozila.

Konkurencijsko vijeće je utvrdilo da je relevantno tržište predmetne koncentracije u geografskom smislu tržište Federacije Bosne i Hercegovine, obzirom da se stanice za tehnički pregled Ciljnog društva nalaze, isključivo na području Federacije Bosne i Hercegovine.

Sljedom navedenog, pod relevantnim tržištem predmetne koncentracije, smatrat će se tržište usluga tehničkih pregleda vozila u Federaciji Bosne i Hercegovine.

## 6. Analiza tržišta koncentracije

Pregled tržišnih udjela učesnika koncentracije i glavnih konkurenata na tržištu pružanja usluga tehničkih pregleda vozila u Federaciji Bosne i Hercegovine za 2017. godinu:

Tabela 2.

R.b.	Privredni subjekt	Broj tehničkih pregleda u FBiH u 2017. godini	Tržišni udjel
1.	<b>Testing Centar (sa povezanim dr.)</b>	(..)**	(..)**%
2.	Agram	(..)**	(..)**%
3.	Remis	(..)**	(..)**%
4.	Autocentar BH	(..)**	(..)**%
5.	OSING	(..)**	(..)**%
6.	<b>Croatia Osiguranje</b>	(..)**	(..)**%
7.	Asa Assistance	(..)**	(..)**%
8.	GMC Inženjering	(..)**	(..)**%
9.	Autodelta	(..)**	(..)**%
10.	Ostali	(..)**	(..)**%
	UKUPNO	(..)**	100,00%
	<b>Ukupno (1+6)</b>	(..)**	(..)**%

Izvor: podaci iz Prijave

Prema podacima iz Tabele 2. privredni subjekat Croatia Osiguranje na tržištu Bosne i Hercegovine ima tržišni udio od (..)\*\*% dok privredni subjekt Testing Centar ima tržišni udio od (..)\*\*% na tržištu usluga tehničkih pregleda vozila u Federaciji Bosne i Hercegovine. Zajednički tržišni udio koji stječu predmetnom koncentracijom iznosi (..)\*\*%.

### ***7. Ocjena koncentracije***

Konkurencijsko vijeće analizom relevantnih podataka prikazanih u Tabeli 2., u smislu člana 17. Zakona, ocijenilo je da će se provođenjem predmetne koncentracije povećati tržišni udio Podnosioca prijave na relevantnom tržištu usluga tehničkih pregleda vozila u Federaciji Bosne i Hercegovine, ali da neće doći do stvaranja njegovog dominantnog položaja i narušavanja efikasne tržišne konkurencije.

Konkurencijsko vijeće je tako utvrdilo da predmetna koncentracija ne sprječava, ograničava niti narušava tržišnu konkurenciju na relevantnom tržištu usluga tehničkih pregleda vozila u Federaciji Bosne i Hercegovine, te je odlučilo kao u tački 1. dispozitiva ovog Rješenja.

### ***8. Administrativna taksa***

Podnosilac prijave na ovo Rješenje, u skladu sa članom 2. Tarifni broj 107. tačka d) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik Bosne i Hercegovine“, br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

### ***9. Pouka o pravnom lijeku***

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Rješenja.

**Predsjednica**

**Adisa Begić**